

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444
fax. +387 33 726-423
e – mail: info@voda.ba

Broj: **UP-1/21-1-40-008-6/24**

Datum: **19.03.2024.godine**

«Agencija za vodno područje rijeke Save» Sarajevo, rješavajući po zahtjevu pravnog lica «BH TELECOM» d.d. Sarajevo – Izvršna direkcija za investicije za donošenje rješenja o prethodnoj vodnoj saglasnosti za aktivnost - izgradnja/polaganje optičkog spojnog privoda (OSP) na desnoj obali rijeke Bosne za baznu stanicu Kakanj Varda u naselju Varda, općina Kakanj, na osnovu člana 109. stav (1) a u vezi sa članom 12. stav 1. tačka (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o prethodnoj vodnoj saglasnosti**

1. Daje se prethodna vodna saglasnost pravnom licu «BH TELECOM» d.d. Sarajevo – Izvršna direkcija za investicije za aktivnost - izgradnja/polaganje optičkog spojnog privoda (OSP) na desnoj obali rijeke Bosne preko parcele označene kao k.č. broj 2153/1 K.O. Kakanj za baznu stanicu Kakanj Varda u naselju Varda, općina Kakanj, a u postupku pribavljanja urbanističke saglasnosti.
2. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod sljedećim uslovima:
 - 2.1. Da je planirana aktivnost usklađena sa važećom prostorno-planskom dokumentacijom i razvojnim planovima Općine Kakanj.
 - 2.2. Da korisnik prethodne vodne saglasnosti osigura izradu tehničke dokumentacije na osnovu koje će se vršiti izvođenje radova na polaganju optičkog kabla na desnoj obali rijeke Bosne za BS Kakanj Varda u naselju Varda, općina Kakanj.
 - 2.3. Da se predmetna trasa optičkog kabla prikaže na snimljenoj situaciji odgovarajuće razmjere koja odražava trenutno stanje na terenu, sa prikazom položaja trase optičkog kabala u odnosu na rijeku Bosnu i druge postojeće i planirane hidrotehničke objekte ukoliko se takvi nalaze u pojasu polaganja trase optičkog spojnog privoda (zaštitni vodoprivredni objekti, objekti lokalnog vodovoda, kanalizacionog sistema i sl.), te sagledati sve moguće neželjene uticaje na režim površinskih voda, objekte i postrojenja, stečena prava korisnika, postojeću infrastrukturu, naselja i sl. te dati prijedlog mjera za uklanjanje odnosno sprječavanje tih uticaja.
 - 2.4. Projektnom dokumentacijom definisati način privremenog pa sve do konačnog zbrinjavanja viška iskopanog materijala i ostalog otpada koji će nastati prilikom polaganja optičkog kabla vodeći računa da se isti ne smije odlagati na česticu «vodno dobro», odnosno u vodotok i na njegove obale.
 - 2.5. Način ukrštanja optičkog kabla sa postojećim vodovodnim, kanalizacionim, elektroenergetskim i drugim instalacijama treba da se projektuje u skladu sa tehničkim propisima za ovu vrstu radova i prema uslovima i saglasnostima organizacije koja upravlja navedenim sistemom.
 - 2.6. Projektnom dokumentacijom definisati organizaciju i tehnologiju izvođenja radova u obalnom pojasu rijeke Bosne, te definisati mjere koje je potrebno poduzeti u toku izvođenja radova na polaganju optičkog kabla kako ne bi došlo do erozionih procesa na obalnom području rijeke Bosne, do podlokovanja temelja stubova mosta kao i negativnih uticaja na druge korisnike voda (vodopsnabdijevanje, ribari i sl.).
 - 2.7. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, vodoprivrednih interesa te ekoloških zahtjeva.

3. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima, Pravilnikom o sadržaju, obliku, uslovima, načinu izdavanja i čuvanja vodnih akata, («Službene novine Federacije BiH» broj 31/15, 55/19, 41/20 i 63/22).
4. Po izradi i reviziji investiciono-tehničke dokumentacije, u skladu sa uslovima iz tačke 2. dispozitiva ovog Rješenja, a prije pribavljanja odobrenja za građenje, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
5. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata. Uz zahtjev se prilaže:
 - 5.1. Revidovana Investiciono-tehnička dokumentacija urađena na nivou glavnog projekta i u skladu sa uslovima iz dispozitiva ovog rješenja
 - 5.2. Rješenje o urbanističkoj saglasnosti
 - 5.3. Dokaz o izvršenoj uplati upravne takse u iznosu od 60 KM.
6. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
8. Ovo rješenje o prethodnoj vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, «BH TELECOM» d.d. Sarajevo - Izvršna direkcija za investicije obratilo se ovoj Agenciji dana 09.01.2024. godine sa zahtjevom za izdavanje prethodne vodne saglasnosti za aktivnost - izgradnja/polaganje optičkog spojnog privoda (OSP) na desnoj obali rijeke Bosne za baznu stanicu Kakanj Varda u naselju Varda, općina Kakanj a u postupku pribavljanja urbanističke saglasnosti. Uz zahtjev nije bila dostavljena dokumentacija koja je propisana članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22) te je dopisom broj: UP-1/21-1-40-008-2/24 od 11.01.2024. godine zatraženo od podnosioca zahtjeva da istu dopuni što je i urađeno u ostavljenom roku.

U provedenom postupku, uz zahtjev za izdavanje prethodne vodne saglasnosti dostavljena je i pregledana slijedeća dokumentacija:

- Ovjerena kopija Rješenja o izmjenama podataka o upisu u sudski registar broj: 065-0-Reg-23-004395 izdatog dana 22.11.2023. od strane Općinskog suda u Sarajevu;
- Ovjerena kopija Uvjerenja o poreznoj registraciji izdatog dana 13.10.2014. godine od strane Porezne uprave Federacije BiH – Kantonalni porezni ured Sarajevo;
- Idejni projekat za izgradnju optičkog spojnog puta za BS Kakanj Varda, općina Kakanj, šifra: IP-OK WBS-TX 4/23.260 urađen 2023. godine od strane «BH TELECOM» d.d. Sarajevo;
- Kopija Zaključka broj:04/1-19-5456/23 izdatog dana 26.12.2023. godine od strane Službe za privredu, urbanizam i zaštitu okoline Općina Kakanj,
- Kopija Rješenja broj: 12-2-23-151-3/24 o odbrenju za polaganje 18,0m kabla u cestovnom pojasu regionalne ceste R-445 Lučani-Bilješevo-D.Kakanj-Kakanj na području općine Kakanj izdato dana 07.03.2024. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Dokaz o uplati upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. Pravilnika o sadržaju, obliku, uslovima, načinu izdavanja i čuvanja vodnih akata o zahtjevu je dana 05.02.2024. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i u Uredu u Zenici, te dana 06.02.2024. godine u dnevnom glasilu «OSLOBOĐENJE». U datom roku nije bilo pisanih izjašnjenja o predloženim aktivnostima iz zahtjeva. U datom roku nije bilo pisanih izjašnjenja o predloženim aktivnostima iz zahtjeva.

Na osnovu uvida u dostavljenu dokumentaciju utvrđeno je:

U cilju kvalitetnog povezivanja optičkim kablom objekata bazne stanice Kakanj Varda i TKC Kakanj a samim tim se stvorili uslovi za instalaciju 5G bazne stanice planirana je izgradnja kablovske kanalizacije, tj polaganje optičkog spojnog privoda (OSP) na desnoj obali rijeke Bosne preko parcele označene kao k.č. broj 2153/1 K.O. Kakanj za baznu stanicu Kakanj Varda, općina Kakanj. Novoprojektovana trasa optičkog kabla će se polagati duž regionalnog puta R-445 Lučani-Bilješevo-D.Kakanj-Kakanj odnosno od postojećeg okna OK 23 spojni kabl će biti položen u rovu u dužini cca 20m na parceli označenoj kao vodno dobro a potom dalje prema novoprojektovanom oknu OK 23.2 uz baznu stanicu BS Varda.

Nakon uvida u dostavljenu dokumentaciju, utvrđeno je da, shodno članu 7. stav (1) tačka 7. i članu 12. stav (1) tačka 1. i stav (2) Zakona o vodama, sa aspekta sektora voda ne postoje smetnje da se podnosiocu zahtjeva izda prethodna vodna saglasnost za aktivnost- izgradnja/polaganje optičkog spojnog privoda (OSP) za baznu stanicu Kakanj Varda u naselju Varda, općina Kakanj, pa je riješeno kao u dispozitivu ovog rješenja.

Uslovi koji se trebaju ispoštovati prilikom izrade projektne dokumentacije a koja je podnosiocu zahtjeva potrebna u postupku pribavljanja vodne saglasnosti i odobrenja za građenje, definisani su u dispozitivu ovog rješenja u skladu sa članom 111. Zakona o vodama, članom 5. i članom 10. stav (3) Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu i administrativnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj: 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta

Nermina Hodžić, dipl.ing.građ.

Po ovlaštenju

Rukovodilac sektora za izdavanje vodnih akata


Haris Ališehović, dipl.ing.građ.



Dostaviti:

- «BH TELECOM» d.d. - Izvršna direkcija za investicije
Sektor za realizaciju investicija
ul. Masarykova br. 46, 72000 Zenica
- AVP Sava, ISV-vodna knjiga
- Sektor 40 – arhiva
- Oglasna ploča AVP Sava